



Inatsisartuni ilaasortaq Stine Egede, Inuit Ataqtigiit

**Mobilimut attaveqaasersuineq pillugu § 37 naapertorlugu apeqqummutt 2018-287-imut akissuteqaat**

19-11-2018  
Suliaq nr.: 2018 - 22856  
Id nr. 35143836

Qujanaq Inatsisartut suleriaasiat naapertorlugu apeqqutigisannut. Matuma ataani apeqqutigisat akissavara.

Postboks 909  
3900 Nuuk

**Apeqput: Naalakkersuisut nunap immikkoortuini, imaatigut angallaffiulluartuni, soorlu Diskobugtimi, Sisimiut Kangerlussuup eqqaani, Nuup eqqaani/kangerluani, Tasiilap eqqaani, kujataanilu mobilimut attaveqaasersuinernik inerisaaqqinnissamik pilersaaruteqarpat?**

Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Akissut:** Imarsiortunut attaveqaat isumannaannerpaaq tassaavoq radioaraq VHF-eq. VHF-ip antennea mobilip antenneanut naleqqiullugu nassitsinikkaaneruvoq, radioararlu VHF atorlugu angallatit allat eqqaaniittut radioaqqamik VHF-imik peqartut toqqaannartumik attavigineqarsinnaallutik. Tamatuma saniatigut radioaraq VHF-eq atorlugu imarsiortunut radio nalunaarasuaataallunilu isumannaallisaataavoq Asiaat Radioalu attavigineqarsinnaavoq.

Radiut atassuteqaqatigiiaat pilersinnerat aserfallatsaaliornerrallu Tele Greenlandip akisussaaffiata ataaniippoq. Tele Greenlandip ulloq 16. oktobari 2018 tusagassiuutinut nalunaaruteqarnermini nalunaarutigaa radiut atassuteqaqatigiiaat attaviat Aasianniit Qasigiannuanut aamma Ilulissanut sakkortusarneqarsimasoq annertuumik aqqutigineqarsinnaasunngorlugu, aamma Ilulissaniit Uummannamut aammalu Uummannamiit Upernavimmut radiut atassuteqaqatigiiaat atorlugit attaveqarneq annertunerulersinneqarniartoq.

Neriuutigaara taamaalillunga apeqqutigisat akisimassallugu.

Inussiarnersumik inuulluaqqusillunga

Aqqu Jerimiassen